

地 220.99
35

部 = 4

東臺縣志

卷十三	卷十四	卷十五	卷十六
祠祀	官署	風俗	賦役
典禮		訪	漕船

第四册

東臺縣志卷之十三 考七

祠祀 禮典

稽古祀典用昭功德殷薦聿隆百世不忒黝堊修除榱桷奕奕日判剛柔春秋卜吉先民有作俎豆是飭淫則無福典不虛飾志祠祀

先農壇 在縣治東門外乾隆三十八年知縣王玉成建 壇制高二尺一寸深廣二丈五尺後為神廟正殿四楹東西房各兩楹繚以周垣門南向前為藉田田四畝九分歲以仲春亥日致祭

社稷壇 在縣治東門外乾隆三十八年知縣王玉成建 壇制北向四方各二丈五尺高三尺陞四級三

東臺縣志

卷之十三

祠祀

一

繚以周垣四門皆丹雘石主二長二尺五寸方一尺一埋於壇上一埋於壇南正中去壇二尺五寸上露圓尖神號稱縣社之神縣稷之神神牌二以木為之社左稷右朱漆青書高二尺二寸博四寸五分厚九分座高四寸五分博八寸五分厚四寸五分藏於他廟祭則設於壇歲以春秋仲月上戊日致祭

風雲雷雨神祇壇

舊名山川壇 奉文謹改

在縣治東門外乾隆

三十八年知縣王玉成建 壇制同社稷壇惟門一面向舊制立木主中為風雲雷雨之神左為境內山



川之神右爲本縣城隍之神 雍正七年奉

上諭以雲師雷師庇國佑民靈應顯然宜特建廟崇祀查前明集禮郡縣立雷雨壇於社稷壇西風雲壇於社稷壇東又明會典每歲春秋分後三日合祭雷雨風雲壇集禮旣稱雷雨在西風雲在東今雷師廟應建於西方雲師廟應建於東方雷師照古制以立夏後申日祭雲師古無專祀酌依明會典合祭之期每歲秋分後三日致祭

邑厲壇 在縣治北門外乾隆三十八年知縣王玉成建 壇制正殿四楹配房三楹繚以周垣牌樓三座

東臺縣志

卷之十三

祠祀

二

歲以春清明日秋中元日冬十月朔日致祭

以上四壇嘉慶十年後屢遭水患傾圮僅存基址亟宜請修

城隍廟 在分司署後明崇禎元年竈民曹一芳建

國朝雍正三年重修乾隆三十六年分司丁世隆重建大殿四楹前樓六楹後樓六楹四十二年道士孫長慶募建東西配房各四楹五十三年募建前東西廂樓各十四楹

按明洪武元年冬奉旨封各府城隍爲鑒察司民城隍威靈公三年正祀典詔各處府州縣城隍止稱某

府州縣城隍之神

帝廟 在縣治東北明天順七年竈民梅貴倡建嘉
靖三十五年分司鄭存孝大使李冠副使唐琦壽官
陸毅重修 國朝順治三年分司王雉鼎復修嘉慶
十三年知縣徐崇燭捐廉倡建前殿四楹十九年邑
人重建後樓四楹東前配房九楹後配房十楹歲以
春秋仲月仲丁日及五月十三日致祭各場鎮廟祀
甚多不具載乾隆三十二年奉

旨勅封忠義神武靈佑關聖大帝六十年奉

旨改神牌勅封二字爲供奉嘉慶十九年奉

東臺縣志

卷之十三

祠祀

三

旨加封仁勇二字後爲三公殿安設神牌朱漆金書清漢
合璧奉

勅封曾祖光昭公居中

勅封祖裕昌公居左

勅封考成忠公居右

文昌閣 在學宮側嘉慶十四年邑人金撰等捐建買
地六畝造閣三層在東南巽地望之巍然擅一邑之
秀十六年王篤慶建官廳四楹二十年姚懋才等建
崇聖祠四楹歲以春二月之初三日及秋八月吉日
致祭

嘉慶六年

諭文昌帝君主持文運福國佑民崇正教闢邪說靈蹟最著海內崇奉與關聖大帝相同允宜列入祀典春秋祭祀該地方官敬謹致祭是年八月十八日設祭如有地方稍遠明春遵行欽此

雍正三年

勅封關帝曾祖父爲公爵加號尊崇製牌安奉今文昌三代姓名無確據未便請加封號謹擬增製牌位一分牌面用文昌帝君先代神位字樣朱漆金書清漢合璧遇祭期照關帝廟後殿祀典致祭

東臺縣志

卷之十三

祠祀

四

吏部員外郎前東臺縣訓導吳昌齡記曰事有會逢其適而一時稱快奕禩猶將傳爲美談者雖曰氣數使然抑亦人事之爲之也東臺爲吳陵分壤范隄綿亘貫海東環堦與家稱爲秀靈所萃溯自乾隆戊子歲新設縣治丁酉歲創建學宮文廟饗舍規制大備祇以資費不給未獲告成若明倫堂文昌閣諸工俱未之舉也昌齡自乾隆戊申歲司鐸茲邑時與諸紳士商所以臻完善者而估計工料明倫堂費越千金文昌閣需費數千金有志而未逮者蓋有年矣嘉慶戊午歲縣尹王君春涯壽畫公項不數月而明倫以成藉以稍償夙願嗣是與諸紳士商建文昌閣相度地勢邀約捐輸者又有年至乙丑丙寅疊被水災邑之義士俱捐金購米循環平糶於此數千金鉅工亦無暇會議丁卯春昌齡卸學篆將人都寄寓於明經金詠堂別業匝月之閒低徊話別與紳士倦倦於文昌閣之舉并囑詠堂爲領袖蓋欲踵事遞增而有懷莫及者已二十年矣庚午春予自京師乞假言旋便道東臺則見學宮之巽方已築一基小楨大木興棟梁并貯公所廣文許君植亭語予曰此邑中紳士創建文昌閣而明經金詠堂爲之合衆志以有成也

及至秋試則施生爲熊周生庠俱獲雋南闈而閩適於是告成烏虜形勝家之談論雖恂悅難憑而陰騭下民相協厥居古聖已嘗言之抑氣數之所值運於天毓於地實賴於人之振奮以乘其機予喜此都人士之好義而金詠堂之不辭勞瘁得以垣墉而墜茨也又喜許君之目覩盛事予二十年之耿耿於懷者亦暢然而滿志也又喜多士之乘時利見修之膠庠揚於

于

庭者將聯聯接踵而不忝科名也適爲之記

訓導許士模記曰東臺分縣四十餘年庚午之春色人用彤家言始謀建文昌閣於學宮之東偏明經金撰創其始上舍姚懋才要其終都人士踴躍輸將其功皆不可沒吳吏部昌齡周副貢庠既皆爲之記無庸再贅一辭而士模竊更有進是役也竭兩入之心力萃衆人之資財工鉅費繁或作或輟歷七年之久而始漬於成可不謂難焉第不知都人士之所以不惜勞費而爲是舉者僅求其巍然煥然以爲一邑之美觀乎抑將欲迓神休而冀人文之蔚起也粵稽象教之興肇於釋氏以人事神特藉此昭其誠敬而所以事神者不盡在是陰騭一篇蕉窗卜則皆吾儒省

東臺縣志

卷之十二

祠祀

五

身克己戒懼慎獨切要之言託諸帝君以厚期多士者今之學者往往視爲陳言讀未終而眼已倦甚至有終身未寓目者平居無以檢束其身心而徒恃崇奉之虛文以希倖遇神其許之否耶譬如人之於於父母宮室之美衣服飲食之奉以及拜跪趨蹌之節無不曲盡而獨於父母訓言拒而弗聽父母之心能晏然而已乎明乎此庶可以對帝君而無慚而亦可無負斯役之勤勞輸助也夫爲善非以求名而求名卒不外於爲善然則迓神休而冀人文之蔚起道固有在矣建閣祀神所以爲臨上質旁之助豈徒恃形家言可以不耕而獲哉士模不能文邑人固請一言遂不辭醜縷以爲能自樹立者勸

文昌宮 在縣治西門外何梁場署東嘉慶元年重修

十二年前殿燬於火場志載東臺何梁兩社學及文

昌宮凡遇春秋上丁日皆分司場官捐俸致祭如禮

一在拊茶場 一在富安場 一在安豐場嘉慶丙

子年公修

小星洲 在安豐場南河東明貢生杜日榮建後燬於

火 國朝乾隆年間重建復圯於風嘉慶十五年移

建富貴巷

八蜡廟 在分司署右巷內明崇禎乙卯分司卓爾康

建有碑記今漶漫不可辨 國朝雍正元年修乾隆

四十三年分司陳炯重修歲以仲秋月縣令捐養廉

銀致祭

分司丁世隆記曰八蜡之祭肇自伊耆舉先嗇司嗇
農郵表嘯猶虎坊庸以及昆蟲之末歲事順成皆以
報享故曰蜡蜡也者索也歲十二月合萬物而索饗
之也秩在祀典由來久矣近惟

東臺縣志

卷之十三

祠祀

六

國家耕藉從事先農而羣邑無專祭東臺之廟則明季
武林卓君爾康蒞官茲土以旱蝗致禱度地而創建
焉讀其所撰祠記辨名義之分合晰古今之異同考
核精詳因閱覽博物之君子也第其祀不隸於有司

歲久微撓會莫過問

龍飛元年春夏之交雨澤愆期蝗蝻大作洊食草木民
窳震恐夫食為民天而繁阜之庶草又樵煎斥鹵鹽

賦所從出也無草無禾蒸黎何賴余亟下捕蝗之令
分道趨事之撲捕負擔而來者量其多寡給米酬

於是蝗雖日滋捕益日衆焚之瘞之其勢稍殺顧猶
有耳目所不及保無延蔓種類苞孽或萌與吾民爭

此禾草其若之何詩不云乎靡神不舉靡愛斯牲蓋
言禱也非神其誰靖之爰率諸父老詣廟禱祈願瞻

徘徊荒圯弗治余心與神約苟其斥彼蝗蝻穀我士
女修葺更新吏茲土者其容委諸精誠所通式昭靈

祝載飛載集幸不為災士民忻忻交相稱頌余曰神
之惠也民之慶也余豈敢貪天之功而邀民之譽

至國修葺以答神麻又未可時緇舉羸煩苦我父老
子弟乃捐俸程材庀徒廩值腐者易缺者完棲神安
謀之室廣雷崇墉塗墍而丹雘之其亦有嚴有翼矣

繼自今肅將祀事薦牲牢而歌象管庶幾雨暘以時
昆蟲無作物罔疵厲乎若乃捍災禦患既有合於先
王之祭法而靈顯昭格不可以無紀故著其修復之
由俾後之君子有所考鏡將以所以報誕保我羣黎
於勿替不且垂
於豐於奕禋哉

劉猛將軍廟 在縣署內相傳北直山東諸省有蝗蝻
之患民間往禱於宋劉統制錡之神輒著靈應因呼
之為劉猛將軍未知其審今廟祀徧東南矣雍正十
一年奉

建於各州縣以每年正月十三日臘月上戊日致祭

呂祖祠 在三里橋竹牌巷內乾隆二年歙人捐建養
和堂供奉古銅像會著靈應嘉慶十一年後奉文奉

東臺縣志

卷之十三

祠祀

七

秋致祭未請建祠縣令捐養廉銀祀於此

古銅像詳
載雜記

火神廟 一在縣治北明真觀東嘉慶元年建 一在
西門外何梁場署西北明時建 國朝乾隆五十一
年邑人陳榮桂施瓦房十三楹地基一段嘉慶六年
重修歲以六月二十三日致祭

土神祠 在鼓樓下 國朝順治辛丑分司李景麟大
使陳鼎新建

都土地祠 在毓秀街灣建年未考 一在草堰場明

洪武中建

雷祖殿 在頭鋪大街建年無考乾隆年間修

天后宮 在雷祖殿大門內左側嘉慶十一年重建
雍正十年郝玉麟奏稱天后明神功昭清晏德庇商
民應春秋祭祀等語部議春秋祭祀應照龍神致祭
之例令督撫主祭凡有江海處俱受天后庇護宏施
建有祠宇而未設立祀典亦應如該督所請令各省
照例致祭並查明所屬府州縣原建天后祠宇擇其
規模宏敞之處令地方官修葺照例春秋致祭奉

旨依議乾隆五十三年奉

旨加封顯神贊順護國庇民妙靈昭應宏仁普濟天后聖母

元君

東臺縣志

卷之十三

祠祀

八

都天廟 一在北門內康熙五十九年分司丁世隆重

建乾隆四十九年知縣曹恒修 一在拼茶場史懷玉建

一在安豐場夏如川王嘉英同建 一在富家灘乾

隆二十九年角斜場大使陳烈建 一在梁梁場

東嶽廟 一在縣治東康熙四十五年建乾隆十年重

修 一在小海 一在角斜場嘉慶十三年竈民林

有德等捐建

金龍四大王廟 在西門外海道口廟後爲古金粟菴

乾隆年間商人公修 一在南門鹽義倉巷內 一

在東水關嘉慶丙子商捐重建 一在安豐場嘉慶

元年商捐重建 一在小海 一在西園俱商捐重建
建 一在梁梁場

按神姓謝諱緒會稽諸生宋謝太后戚畹也不樂仕隱居於金龍山之祖塋築望雲亭自娛宋亡赴茗水死其門人卽葬之金龍山又神父司徒公仲武生四子紀綱統緒神居季其稱四以行序也元季其鄉人夢緒爲神明永樂中建祠洪上保護河漕屢著靈異天啓閒蘇茂相督河漕請加封祀

國朝順治二年封爲顯佑通濟金龍四大王之神

海神廟 在柘茶北潞明嘉靖二十五年大使周鑛因

東臺縣志

卷之十三

祠祀

九

潮患立

神醫華人七廟 一在北門內 一在安豐場

周宣靈王廟 在安豐華王廟內

按神姓周名雄字仲偉杭州新城淥渚人宋嘉定四年爲母疾走婺源祈佑於五顯廟回至衢而卒附童言曰五顯靈威需我輔翼生不封侯死當廟食郡人於是立廟以屢顯靈進封王爵

董孝子祠 卽西溪鎮三賢祠堂後屋也正德七年鹽法御史朱冠分司謝貴建社學於此屢牒送生儒在堂訓進本鎮子弟尋改爲董孝子祠祀漢孝子董永

萬曆四年水利道僉事黃猷吉呈請立額曰忠孝祠
董忠謂三賢孝謂董子也

水利道僉事黃猷吉忠孝祠後記曰萬曆四年丙子歲孟秋望日余承都察院委視海口道經西溪觀繅絲井謁三賢祠見屋宇傾頽賢像剝蝕愴然感懷因委秦州吏目錢積丈量基址估計工程移文巡撫吳公發銀一百兩并呈代巡邵公發銀一百兩余發銀二百兩委常豐倉大使尹鑰督同本鎮巡司楊桂監建大門三間看牆一堵正堂三間高一丈七尺中立宋監西溪鹽倉范文正公仲淹鄴轉運使胡文定公令儀發運副使張文靖公綸三公遺像後祠三間高一丈三尺立漢孝子董永像左右廊房二間週圍土牆濶八丈長十七丈五尺地計二畝四分又用銀四十八兩買曹應龍陸地十七畝在巡司衙左側東南出市河東北至陶家營地爲界又水田連塔岸小塋共計五十畝在葬將塋西北其東南至行船河西至唐倉界北至于湖界每年收穫麥穀聽守祠朱堅納稅并春秋二祭永爲奉祀舊額三賢堂今改忠孝祠

東臺縣志

卷之十三

祠祀

十

以垂不朽俾後之蒞此土者知有所鑒勉也

陸原博題董孝子祠詩千年遺事青山在塚草萋萋帶淚痕環珮不歸雙鳳杳白雲長日護溪村

按三賢祠後屋旣圯止存孝子像在佛堂西序而

晏溪志所謂天女廟在鎮東北前有鳳皇池者今

復遺跡蕩然雖其事之真偽不可知然記傳有之

亦可爲篤行者勸儆宜移像於繅絲井上配以仙

女改井上僧菴爲董孝子祠不必附諸三賢強列

忠孝之目

小荻大王廟 在西溪鎮相傳漢有臨淮人徐福二在

此取魚死爲土神後人立廟祀之祈禱有驗俗呼亦

荻大王載晏溪志

三將軍廟 舊在西溪鎮忠義河側之謝家籓晏溪志
隋賀若弼韓擒虎史太歲帥兵同至海陵之西溪征
捕八千海寇不妄戮一人郡人以其靖難有功立祠
祀之廟久圯今移祀於東嶽廟之東廡

按通鑑開皇元年以賀若弼爲吳州總管鎮廣陵
至九年平陳始入爲上柱國其間如有海寇帥兵
至海陵宜也但三將同征乃大舉矣而史不書且
韓擒虎遠鎮廬江史太歲屢立戰功皆在北邊不
得與弼同逐海寇惟平陳後一年楊素討江南反
賊遣總管史太歲自婺州踰嶺越海攻破溪洞有
功亦與海陵不相涉又二年而韓擒虎卒矣反覆
考証無一合者姑存之而著其疑

東臺縣志

卷之十二

祠祀

十一

善利廟 在西溪鎮今廢

彭公祠 在富安場祀明巡鹽御史彭端吾萬曆二十
八年建

顧公祠 在城隍廟東祀分司顧嘉興詳場志循良傳
今圯

節烈祠 在西門外何梁場署西祀節婦朱氏烈婦夏
氏今廢

仇湖龍神廟 在縣治南今廢

昭毅將軍祠 在耕茶場祀明鞏昌指揮使于光

名宦祠

鄉賢祠

忠義祠 俱詳學校

節孝祠 在學宮側

按雍正元年九月欽奉

恩詔旌表節義給銀建坊民間往往視爲具文未曾建立恐

日久仍至湮沒不能使民間有所觀感著於地方公

所設立祠宇將前後忠孝節義之人俱標姓氏於其

東臺縣志

卷之十三

祠祀

十一

中已故者則設立牌而於祠中祭祀用以闡幽光而

垂永久隨經部議頒行各府州縣俱立忠孝節義祠

男祠設石碑一女祠設石碑坊一鑄列姓名里氏

按禮部則例凡直省府州縣

文廟左右建忠義孝弟祠以祀本地忠臣義士孝子悌

弟順孫建節孝祠以祀節孝婦女名宦祠以祀仕

於其土有功德者鄉賢祠以祀本地德行著聞之

士地方官歲以春秋致祭又云古聖先賢名臣忠

烈凡有祠廟墓地并令有司官巡視防護歲終以

防護無誤造冊報工部如有損壞卽行修理

三賢祠 祀宋江淮制置發運使張綸淮南轉運使胡令儀監西溪鹽官范仲淹 一在縣治鼓樓南明嘉靖十三年御史陳鎬卽明真觀故址建後十年分司袁才改建於觀西南隅 一在西溪鎮舊名三賢堂捍海堰成居民思三公之功構生祠於思賢亭祀之迨元寢廢明天順六年巡檢李誠重建正德七年鹽法御史朱冠分司謝貴加修 一在何梁場 一在富安場明陳運建 國朝乾隆五十七年里人孫紹齡等移建禮賢坊 一在梁梁場 一在安豐場嘉慶十八年大使譚際時捐養廉銀倡修此三場皆明

嘉靖中御史雷應龍改淫祠爲之 一在角斜場

一在拊茶場皆明天啓五年分司徐光國建 丁溪草堰小海三場舊亦有祠今廢

凌儒謁西溪三賢祠詩捍禦勲名仰大賢齋心今日拜祠前魚鹽地僻千年產桑柘村成萬井煙水國衣冠瞻瑞日海濱耕鑿戴堯天先憂久負平生志獨對春風思惘然

按三賢之祀徧於諸場而實創始於西溪其祠外爲大門四楹次爲中堂四楹以安神像次爲後寢亦四楹本祀董孝子永守祠僧奉佛其中比歲後寢屋圯僧遂移佛像於中堂而遷神像於門非禮也土人習久漸忘將來必至廢祠爲寺亟當修之

俾復舊觀

又嘉靖鹽法志曰築堰以捍海潮始自唐李承承為淮南節度判官創堰自鹽城南入海陵綿亘數百里農竈皆利賴之至宋天聖初胡張范三賢乃移堰稍西石固其外而不與水爭厥功信偉矣要亦聞李之風而興焉者今祀止三賢而不及李非

三賢心也

按唐書李承傳大歷中承置常豐堰於楚州南鹽法志作李承實誤

周公祠 在西門外明萬厯年間建祀分司周公汝登

額曰周公遺愛

王應鍾周公祠碑記兩淮中十分運越中周公理麟事期月以萬厯辛卯之季春奉召北上何埠父老羣

東臺縣志

卷之十三

祠記

古

子弟而攀卧之甚至涕泗不舍去者猶嗟公何以得此於民哉嘗謂凄然之秋百卉具腴造物之功至是而顯矣然天地以好生為德滋息於始隱而不暴不有熏然之陽春乎冲融和煦被萬物而不施草木天喬亦被之而不德此化育之流行而治功之準則也名士之急功利喜夸詐者多樹恩威非不致人之虞而後漫無所述惟公優游布政恬淡寡營雖地僻事繁一以無事鎮靜之民或訟公從容開諭不私民一緝不枉民一事法有不貸者薄責示儆而已鹽賦多積逋許以價代緩徵流民復業者接踵競相輸謀樂利海濱立鄉約頒禮圖俾民導奉聖諭古典周諮仁賢重建社學置店田代貧竈修贄給巾服飭子弟威儀構泰東書院與四方耆英碩士及童冠輩講學論文聲歌教禮致祭於心齋王先生祠下見其頽圯捐俸金修葺為置產以遺利後人再求門下之賢士於縉紳韋布中得七人為從祀王公祠表揚其墓瀕行發贖銀三十數令備社學圖書何慇懃厚也大都公平生廉靜自守蒞任以來或行部或公出門若不相聞而門無遺賢庭無遺政鳴琴卧閣有懸魚留債四知一錢之風既行父老率其為生祠以禧公

請碑記之永厥德也猗嗟今之何卑其古之崇卑乎
故史傳歷代循良者非有矯異之績亦有漸磨之深
淡肌淪髓猶所謂熏然之陽春矣斯爲政者固不自
德而民亦忘其德然去後人心卒不之忘此周公生
祠之立也不可以徵民情世道耶祠宇凡三楹兩廡
門垣整飭而綠槐植前其召棠冠栢尤爲公輔之兆
云公名汝登字繼元別號海門浙江嵒縣人萬歷丁
丑科進士祠成而祭之以備觀風者採焉

向公祠

在安豐場月塘灣南明崇禎閒大使魏汝顯

副使王應選耆老士嘉令等捐建以祀兵備道來復
節推王徵秦州知州向孔門泰興縣典史蔡清純四
人而時第稱向公祠初梁梁場土盜王虎子嘯聚入
洋屢肆劫掠天啓三年又糾合徐虎子勢甚陸梁時
謂之二虎六年檄清純巡江洋遂率衆擊擒之徵與

東臺縣志

卷之十三

祠祀

五

孔門實贊助焉雲南按察副使袁懋貞爲記

王公祠

祀明心齋先生良

一在縣治東北明真觀

東分司王雉鼎建今圯改建火星廟

一在安豐場

北月塘灣詳載古蹟東淘精舍下

一在富安場阿

育池東總竈吳愛建今廢

一在耕茶場者竈繆好

信夢先生於中庭特建祠於宅東問果園中

五賢祠

在耕茶場祀宋周子濂溪程子明道伊川張

子橫渠朱子晦菴明嘉靖二十四年大使周鑛請於

巡鹽御史劉存建卽社而祀分鹽倉東隙地二十七

歲入其租以祀事

周鑑五賢祠記曰祠為何而設也欲其與文教準道
化示民方也濱海之民以養海為役無所見聞而其
子弟恒多樸野間有秀出而成名者無多焉吾慮其
弗興於文也文興矣吾慮其材之不達也材達矣吾
慮其無向道之準也自尼聖而下民孰能底其盛且
鄰縣祀典移之鹽場其勢必難勢難必褻嗣是而下
有周程張朱五大儒實能續道統之傳其備道成身
輔翼經訓為範百世目天子以至庶民由都國以達
海隅人皆家誦而戶傳之矣予待罪鹽職其於文教
竊有志而未逮迺敢改社學之三楹為五賢堂立南
向之前門為先正門四有繚垣西有別門皆舊制也
凡朔望率士大夫鄉耆塾師并子弟之在各塾者瞻拜
禮畢誨子弟則少明身心之學諭眾庶則宣木鐸詞
解盡晨而退率為常規夫何地非人則何地非教也
使海寬之人文教果行焉所謂君子學道則愛人小
人學道則易使也故有能服周程張朱之訓者則亦
足以浚明庶位贊翼皇猷况又能身周程張朱之行
則豈有不拔乎流俗邇濂洛而接洙泗者耶而吾養
天下以善之心斯不負矣其場西則改舊廟為東海
神祠以舊觀為土穀神祠合先賢為三祠春秋祭品

東臺縣志

卷之十三

祠祀

共

皆鹽課司東南隙地二十丈召人列居取其租而供
之皆請於上司俞允經久其品式之常禮儀之節勒
諸碑陰設有繼乎此者宜與場司相為無窮者也嗚
呼道不可變也是祀之義又庸可變耶
吳浚五賢祠詩大地視海濱太倉藐一粒沙場草蕩
閒聲教疑不及何以百年餘英傑相接跡儒林兼獨
行理學亦閒出詎知根柢深感激非一日卓哉周使
君秉鐸非其職每懷人才憂若射與之的不屑營福
田崇祀老與釋有宋五大儒鄒魯真宗嫡誠當百世
師作廟宜翼翼濂洛關閩分俎豆向一室主敬與存
誠造詣原合璧副以金石詞文章何儻潔不謂冗散
員乃有高朗識時無論古今土無論沃瘠人無論智
愚地無論荒僻各抱天地心各荷聖賢責果還性善
功聖域在咫尺自然倫紀修何況生花筆懿彼堂構
賢大道已安適欲借樵樸人並範指南轍我讀記事
碑整襟為竦立願移都會中佻達俱矜式庶幾反求
功人人
思礪淬

范公祠

祀文正公仲淹一在柈茶場乾隆三年大德

李慶生重建後圮五十六年里人繆叢琮倡修

賢祠 在枌茶場明嘉靖丁亥侍御雷應龍改官侯

廟以祀鄉賢繆思恭思敬兄弟每歲春秋場廉主祭

前夕省牲其儀注祭文詳載中十場舊志以春秋仲

月仲丁本宅子孫動支田租虔置祭品有頂帶者作

贊禮 國朝乾隆三十三年族人公延繆叢琮董事

捐修擴而充之屋七十二楹

戶部右侍郎楊果記曰繆氏世居枌茶場元至元癸巳間有曰思恭氏者字德謙辟充令史適爲吳張士誠陷泰州明年陷揚州丙申復陷蘇州公隨軍征進克復高郵所向有戰功超陞萬戶士誠以鄉人故欲召爲援公曰挽回元氣在此一舉乃身往勸之以請朝命奉正朔不失爲忠臣之說士誠因自戢不亟爲

亂者數年公之力也陸嘉興府同知興學校勸農桑累遷至淮揚路總管徵爲王府參軍疾作不果行而以樞要迫以武威公正色曰見得思義見危授命人之大節吾寧殺身以成仁不偷生以害仁也士誠不敢屈迨我皇明混一區宇登用豪傑有司以茂才舉公授麟遊縣簿尋復以直諫謫戍於戲壯哉當元季之習瀕海之人非有涵濡造就之功培植薰陶之素而二公者明節於一時濟美於一家後先相望殆所謂生理本直道著而氣不可撓者耶是可爲百世風矣嘉靖丁亥侍御雷君來督淮揚鹽法事按郡乘知其賢召場之父老與繆之子弟諭之曰先達者鄉人之表也祖宗者子孫之憲也若知汝場人物繆氏二兄弟之爲賢乎其蓋撤場之淫祠非祭法所宜有者改祠而俎豆之將使場之人旦夕過其祠肅然歛衽相語曰是吾鄉之先達也彼人也我亦人也吾不能遠追古聖賢之事業其不能廉頑立懦以期無愧於吾鄉之先達矣乎又將使繆氏之子孫春秋奉其祭祀愾然作氣相語曰是吾之先人也彼善是吾子孫與有光焉吾苟不肖則先人之辱矣是安可不夙興

祀典以何爲正乎上下神祇古昔聖賢通於天下者無論已至一鄉一邑之中或以德行稱或以功績著或以文章顯遺事焯焯在人耳目死必有以報之其爲之廟宜也非此族也入於寺觀

禮典

慶賀

凡遇

東臺縣志

卷之十三

禮典

六

萬壽元旦冬至三大節文武各官前後穿朝服七口預設

香案於慈濟寺至日五鼓齊集行三跪九叩首禮

開讀

凡遇頒到

詔書地方官員具龍亭綵仗朝服出郊迎接北向行禮鼓樂前導至慈濟寺門外序立排班行禮捧

詔開讀畢再行三跪九叩首禮退班乃膳黃

行香宣講

每月朔望宣講

聖諭廣訓各條黎明文武各官補服詣

文廟

武帝廟火星廟行三跪九叩首禮次詣城隍廟行六叩首禮各詣本衙門土地祠行三叩首禮上午於公所設

聖諭輝各官齊集行九叩首禮畢分班坐地禮生鳴鼓振鐸軍民人等敬聽宣講

聖諭廣訓一條城內公所或儒學慈濟寺城隍廟各寺觀輪流宣講每春二三月儒學官及佐貳分向四郊村鎮宣講鄉約

迎春

東臺縣志

卷之十三

禮典

九

每歲立春預造春牛及勾芒神前一日各官朝服具鼓樂儀仗出迎於東郊行二跪六叩首禮昇至縣署儀門外之左奉於幄次三揖而退立春日設香燭酒果祭勾芒神行二跪六叩首禮昇春牛至儀門外中庭具綵仗鼓樂各官環立鞭春牛三匝乃更朝服詣各廟行香其勾芒神送城隍廟

耕藉

每歲仲春亥日文武官帥耆老農夫祭

先農壇用少牢先供神位於壇上承祭官衣朝服行三跪九叩首禮各官依次行禮祭畢送位入祠更蟒衣不

穿補服詣藉田行耕藉禮一官捧青箱一官播種用
右手扶犁左手執鞭各行九推禮農夫終畝耕畢更
朝衣望

關行禮

新任

凡新官上任先期一日至城隍廟齋宿次日具公服
焚祝文訖乘轎列儀仗鼓樂導引進署先祭儀門行
三叩首禮詣大堂前設香案望

關謝

恩登堂拜印行九叩首禮乃公座開印次祭土地祠次祭竈

東臺縣志

卷之十三

禮典

三

井次日行香閱城清獄如常儀惟儒學官不行齋宿
禮

賓興

大比之年凡督學科試優等者行賓興禮先期儒學
官將奉准紅批移送縣官擇期具書啓集諸生至日
集學宮明倫堂同拜謁

先師祭奎星儒學官具酒果於明倫堂饌送酒一行儒學
官親送諸生至縣堂縣官張綵幄縛綵橋設酒餚鼓
樂縣官親奉觴授几拜揖如儀儒學官賓位南向縣
官主位北向諸生東西列坐酒三行起由中門步綵

橋出至南郊水月菴前又具酒果送諸生登舟

入學

凡督學取進文武新生擇吉日傳集縣署縣官於大堂公座簪花掛紅諸生行庭參禮縣官答禮由中門鼓樂導出縣官率新生謁文廟行三跪九叩首禮詣明倫堂前設香案望

關謝

恩畢升堂更蟒衣補服與儒學官行交拜禮次新生見儒學官行四拜禮

祈禱

東臺縣志

卷之十三

禮典

三

凡遇旱先擇地設壇移牒城隍神集僧道官民致齋禁止屠宰不理刑名戴雨纓穿青褂步詣壇所每日行香二次拜神行六叩首禮如得雨謝神穿補服祈晴驅疫同

救護

凡遇日月食文武各官救護日月食設香案於大堂之露臺初虧食甚復圓俱行三跪九叩首禮初虧蝕甚復圓均穿素服樂工吹角撾鼓僧道鳴鑊隸役擊鼓鳴鈺

廟祭

祭

文廟日用春秋仲月上丁前期一日省牲承祭官分獻官各具補服詣省牲所告充告膾瘞毛血詣神廚視滌既畢退正祭日各官入兩旁門承祭官盥洗畢至臺階下立分獻官陪祭官各就位承祭官就拜位分獻官隨後奏迎神樂承祭官以下俱行三跪九叩首禮初獻奏樂承祭官由東階上進殿左門詣

至聖先師孔子位前行一跪一叩首禮興奠帛獻爵行一跪一叩首禮興詣讀祝位跪陪祭各官俱跪讀祝者讀祝畢捧祝板至正位案前立跪安帛匣承祭官以下

東臺縣志

卷之十三

禮典

三

俱行三叩首禮興詣

復聖顏子位前行一跪一叩首禮奠帛獻爵行一跪一叩首禮興不詣贊

宗聖曾子

述聖子思子

亞聖孟子位前如前儀十二哲分獻官奠帛獻爵如承祭官禮兩廡分獻官如承祭官禮各復位亞獻三獻如初承祭官乃至殿內正位案前飲福受胙三叩首興復位乃謝福胙承祭官以下俱行三跪九叩首禮乃徹饌奏樂既徹奏送神樂承祭官以下皆行三跪

九叩首禮興捧祝帛饌各詣燎位奏望瘞之樂永祭
官至瘞位視祝帛焚畢退

崇祀祠用少牢行六叩首禮

武廟歲用春秋仲月上戊致祭雍正年改中丁日乾隆
年欽天監選日頒行又五月十三日祭皆用太牢儀
節與

文廟同三代俱封公爵祭與崇聖祠同

文昌廟每歲春祭以二月三日秋祭頒日用太牢儀節
與武廟同祭先代禮亦同

城隍廟以春秋二仲戊日合祭於山川壇行兩跪六叩

東臺縣志

卷之十二

禮典

三

首禮凡境內水旱疾疫皆致禱焉

火星廟每歲六月二十三日致祭行三跪九叩首禮

馬神廟每歲春秋仲月上戊日營官祭

劉猛將軍廟每歲冬至後第三戊日及正月十三日致
祭用少牢行一跪三叩首禮

龍神廟每歲春秋仲月辰日祭

天后宮祭儀與龍神廟同

壇祭

社稷壇每歲春秋仲月上戊日祭用少牢黎明各官朝
服長官主祭餘官陪祭儀與文廟同

風雲雷雨神祇城隍壇每歲春秋仲月上戊日祭設三
付風雲雷雨居中神祇居左城隍居右儀與社稷壇
同行二跪六叩首禮雍正七年頒定雷師於立夏後
申日致祭雲師於秋分後三日致祭
常雩壇每歲孟夏上辛日於先農壇合祀先農社稷風
雲雷雨神祇城隍之神儀與社稷壇同

邑厲壇每歲清明中元十月朔致祭位城隍於壇上列
厲神牌於堂下兩旁書無祀鬼神之位前一日主祭
官詣城隍廟焚告牒至日僧道諷經各官補服行禮
前後三獻三叩焚楮幣祭用少牢米十二斛祭鄉厲
儀同

東臺縣志

卷之十三

禮典

三

羣祀

鄉賢名宦二祠每歲春秋仲月丁日從祭用少牢行六
叩首禮

三賢祠祭與鄉賢名宦同

節孝祠烈女祠每歲春秋仲月丁日從祭行三叩首禮
旗纛考試外場日祭

儀門新令上任日祭

儒學土地神每歲春秋仲月祭

周禮大祝掌六祝之辭以事鬼神祇祈福祥求永

貞小祝掌小祭祀將事候禳禱順豐年逆時雨雪
風旱彌裁兵遠舉疾故祀典重焉孔子曰吾學周
禮今用之吾從周

昭代所定吉禮具于會典釐然燦然非一縣之所可
私矣第恐有司習焉而不察而鄉曲細民未見會
典全不知其禮之大小輕重也故約其文而附載
之

